



# *Tursletten*

**Av Knut Raastad, skrivi i 2004**

*Dette ligg aust for Storsteinrusten ved vatnet nørdest i Nordherad. I 1865 var Hans Thoresen f. 1818 brukar i Tørsletten, i 1875 er han også nemnd som tømmermann. Hans fekk feste på Tursletten i statsalmenninga i 1872. Hans vart i 1848 gift med Kari Larsdotter Hestulen f. 1824, dei budde truleg i Hestulen fyrste åra. Hans og Kari reiste til Amerika i 1878, dei hadde barna*

*Lars f. 1852, d. 1852*

*Lars f. 1853, til Amerika 1874*

*Thor f. 1855, i 1875 var han tenestedreng i Trælviken, til Amerika 1878*

*Tursletten vart i 1879 tilbygsla Ole Storsteinrusten til underbruk på betingelse av at det ikkje vart bygd der. Tursletten vart skyldsett som gnr. 98, bnr. 2 i 1912 og kongeleg skjøte til Knut Storsteinrusten for kr 50,- er frå 1913. Av skjøtet går det fram at bruket ikkje har bruksrett i statsalmenninga og har ellers same forutsetning om at det ikkje vart bygd der. Son til Knut, Peder Rusten brukte ei tid Tursletten saman med Rustøygard i Garmo.*

*Etter 1879 var Tursletten altså underbruk til Storsteinrusten og det var ikke hus eller folk der før Torvald Biløygard bygde der ca. 1970. Bruket vart kjøpt frå Ingeborg Sagrusten i 1969. Torvald og kjerringa Mari f. Trælviken budde der ca. 10 år da dei flytte til dottera i Oslo ca. 1980.*

*Etter dette er Tursletten seld som feriested til Steinar Holø frå Lom, busett på Otta.*

*I 1875 var det i Tursletten 4 sauer og 4 geit, medan dei sådde nesten ½ tønne bygg, litt rug og 1 tønne poteter. Ti år før vart det sådd mykje mindre, men da hadde dei ei ku.*

*Kjelder: Folketellingar 1865, 1875*

*Panteregeister/grunnbok*

*Festekontrakter*

*Utskrifter kyrkjebok for Vågå*

*Anna Randen: munnleg fortalt*

*Erling Sagrusten: munnleg fortalt*